

西湖遊覽志第十六卷

錢塘 田汝成 輯撰

會稽 商維濬 重訂

南山分脉城內勝蹟

祠廟

旌德觀蕭相國廟關王廟助聖廟東平忠靖王廟千勝將軍廟鄴侯祠金華將軍廟昭節廟三忠祠忠烈祠廣福廟旗纛廟憐忠祠揚清祠三太傅祠褒忠祠

旌德觀在保安坊內舊名先賢祠宋寶慶二年京尹袁韶建於蘇堤以祀鄉名士烈女共三十九人人

西湖志

卷之十六

乙

各為贊其名士為唐時陽城許由漢時富春嚴光吳時餘杭凌統晉時錢塘范平褚陶富春孫惠宋時錢唐范叔孫餘杭卜天與齊時錢唐杜京產褚伯玉鹽官顧歡梁時錢唐范述曾范元琰褚月唐時錢唐褚亮褚遂良鹽官褚無量許遠於潛章成緬後梁時臨安錢鏐新城羅隱宋時錢唐錢俶錢彥遠錢明逸錢勰林逋即簡沈文通吳師仁虞奕仁和崔貢餘杭陸詵鹽官張九成富陽謝絳烈女則晉時富春孫夫人唐時錢唐馮孝女等明年詔易其額曰旌德觀中書注墜為之記元時改建今

所 國初燬成化十二年道士許道昌史志中重建時叅政張寰僉事李瓛倡義助之停烈女之祀而增府學所祀鄉賢共五十五人  
蕭相國廟在弼教坊內以奉漢鄼侯蕭何者宋時廟在汴京南渡後建廟於此蓋戒民坊爲戮人之市而蕭何定律令平刑獄義有所取耳嘉靖十四年燬道士蔡如樟重建

關王廟在義和坊以奉漢壽亭侯關雲長者宋嘉定間建元末燬洪武三年道士吳一清重建

助聖廟在忠清里以祀唐僕射褚遂良者遂良字善

登錢唐人博涉文史工隸楷真觀中累遷起居郎侍書在任多讜言太宗欲自觀史遂良諫言未聞天子自觀太宗曰朕有不善卿必記也對曰臣職載筆君舉必書時魏王泰禮秩如嫡遂良諫太子諸王宜有定分太宗嘗恠舜造漆器禹雕其俎諫者十餘不止遂良曰奢靡之始危亡之漸也漆器不止必金爲之故諫者救其源時皇子皆外任都督刺史遂良諫曰刺史民之師帥也臣謂皇子且教以經學養成德器審堪臨州然後遣帝許立魏王泰爲嗣遂良曰若必立泰非別置晉王不可帝

卽詔長孫無忌房玄齡與遂良等定策立晉王爲  
皇太子帝欲自討遼東遂良言非萬乘六師所宜  
行進黃門侍郎叅綜朝政高麗逆臣莫離支貢金  
遂良引魯納部鼎之事諫止帝于寢宮側別置院  
居太子遂良上諫父子滯愛者多愆拜中書令帝  
疾召遂良無忌受遺詔高宗卽位拜右僕射帝將  
立武昭儀遂良曰皇后無他過不可廢昭儀昔事  
先帝今立之奈天下耳目何遂良因致笏殿階叩  
頭流血曰歸陛下此笏乞放歸田武氏立遷潭州  
都督徙桂州貶愛州刺史卒父亮散騎常侍弘文  
館學士祖玠陳祕書監曾祖蒙梁太子中舍人高  
祖溼然梁御史中丞並著名前史

東平忠靖王廟在秀義坊內以奉唐將張巡許遠南  
霽雲姚閻雷萬春者巡南陽人遠鹽官人天寶十  
五載安祿山反時巡爲真源令起兵討賊守雍丘  
與賊將令狐潮大小數百戰帶甲而食裹瘡而鬪  
時有大將六人以勢不敵白巡請降巡陽許諾明  
日設天子像率軍士朝之人人盡泣巡引六軍責  
以大誼斬之士心益勸戰守積六旬馬裁三百兵  
三千遂至睢陽與太守許遠城父令姚閻等合遠

與巡同年生而長巡呼爲兄遠自以材不及巡讓  
巡而居其下巡受不辭霽雲萬春咸彊毅善射時  
賊將尹子琦楊朝宗等以十餘萬衆圍困睢陽經  
年乏食士日賦米一勺齒水皮革紙而飽者才千  
餘人皆癯劣不能發救兵不至巡出愛妾烹以啖  
衆遠亦助以奴童至羅雀掘鼠煮鎧弩以食巡遣  
霽雲如賀蘭進明乞師不得請進明饗之樂作霽  
雲泣曰昨出睢陽時壯士不粒食已彌月今大夫  
兵不出而廣設聲樂義不忍獨享雖食弗下咽因  
拔佩刀斷一指卒不食去賊知外援絕圍益急士

病不能戰巡西向拜曰孤城備竭弗能全臣生不  
報陛下死爲鬼以厲賊城遂陷與遠等俱被執巡  
罵賊不屈與霽雲萬春閻等三十六人皆遇害尹  
子琦送遠洛陽至偃師亦以不屈死後封巡東平  
王諡忠靖唐史贊曰張巡許遠可謂烈丈夫矣以  
疲卒數萬嬰孤墉抗方張不制之虜鯁其喉牙使  
不得搏食東南牽挈首尾厯潰梁宋間大小數百  
戰雖力盡乃死而唐全得江淮財用以濟中興引  
和償害以百易萬可矣巡先死不爲邊遠後死不  
爲屈巡死三日而救至十日而賊亡天以完節佳

二人界名無窮不待留生而後顯也廟建于宋建炎二年元末燬 皇明洪武三十年里人吳興捐貲重建布政使王鈍爲記金龍四大王祠萬曆間建沈友儒記

千勝將軍廟在新安坊其神張亞夫者巡子也拜金吾大將軍立廟雒陽宋南渡時凡汴京有廟者皆得祀于杭故建廟于此元元統間燬 皇明洪武間僧廣成重建

鄴侯祠在井亭橋西鄴侯李泌字長源京兆人唐玄宗時以奇童召見及長博學善治易嘗游嵩華終

南間慕神僊不死術天寶中待詔翰林楊國忠等嫉之不肯靳春郡肅宗即位泌謁見陳天下所以成 帝悅欲授以官固辭願以客從 議國事 帝與舊叢指曰善黃者聖人着白 山人帝聞因目金紫拜廣平土行軍司馬公 事李輔

國城之說長端廟隱衡山 詔

服食治虛 枝

取如龍 獸帝 古

今蓬萊 冊妻不食

元載 山爲江西

復為

忌出為

與有恩

引引西

宗在末

散騎

中書

門下正

日必少為人異謀其謀事

自全近 位定十宰近立

稜莽立 聖詠有所寤合

時泌于 必又佐代宗收 不獨不見

銜 寧二之 以宰相品之耶德宗晚好 神事乃

獲 益以恠自置而為之助也鄴侯既薨杭人感

西湖志

入卷之十六

六

其惠立祠于此翼以僧舍俗稱西井寺宋淳熙十

一年賜安國 漢教寺額景定五年改嘉澤廟元

季燬祠廢而寺猶存成化間都指揮王景端重繪

侯象布政使楊維高拓故祠而奉之至今祠寺金

建祠前有井徑文許底與湖通鄴侯所鑿也井中

金玉魚數百頭游泳喁噏滋乳日繁

金華將軍廟在湧金門內其神曹杲者真定人仕後

唐為金華令時郡兵叛杲以計平之吳越王嘉其

功就擢婺守宋初吳越王入朝委以國事遂即城

隅浚三池引湖水入城以便舟楫王歸嘉之題曰

湧金立石池上杲卒郡人立祠祀之

昭節廟在保安坊其神曰喬亢陸執襄漢人仕周爲殿侍東三班宋太祖受禪自宣祐門入守者拒弗納乃自移門入旣受朝賀卽召宣祐門守者一班皆自殺太祖大驚趨救之得不死者二人詢之乃喬陸也改班長入以青紅二色帛爲帽飾二人旣出復自殺太祖義之命立祠祀之南渡後立廟于杭州適郡城大火空中見青紅二旗書喬陸二字火遂息民益神之事聞孝宗賜額曰昭節

三忠祠在羲和坊東舊名旌忠廟今覺苑寺是也其

神曰高永能景思誼程溥古宋元豐間同爲統軍禦虜銀川戰死廟食于鳳翔和尚原宣和間方臘寇睦州討捕者禱神而勝敵上其事始封爲侯南渡後張浚吳玠總兵鳳翔神屢以陰功助武朝議嘉之加封王爵建廟于望僊橋北額曰旌忠俗稱三聖廟今三聖橋是其所也高宗將建德壽宮徙置今所廢覺苑寺以居之 皇明宣德中重建覺苑寺遂奉神爲寺土神

忠烈祠在衆安橋南以祀宋封繼忠侯岳雲烈文侯張憲者雲乃武穆之子憲爲武穆部將或云其婿

也此橋爲二侯就戮之所里人憐其寃立祠祀之  
正德十五年巡鹽御史劉欒拓大其基叅政鄒虞  
爲記

廣福廟在鹽橋上其神曰蔣七郎崇仁者里人也仗  
義樂施做常平法以家貲糴穀賤糶以救貧者其  
弟崇義崇信亦承兄志行之六七十年規以爲常  
里人德之比卒卽其家立祠祀之有禱輒應咸淳  
初京尹潛說友請于朝賜廟額曰廣福封崇仁孚  
順侯崇義孚惠侯崇信孚佑侯淳熙間京尹韓彥  
質將改作其祠神忽憑老兵言願徙橋上遂立廟

焉士女爭趨之日擁隘橋東西十餘丈至不得旋  
踵兩街沽酒作餚餌鬻象馬錢二三十家供給不  
暇至今父老言神異事甚多而石塘胡長孺爲神  
作傳述宋時劉宗申事獨著云劉宗申者暴戾士  
也以縱橫說游蜀荆江淮間客李曾伯所怨曾伯  
子杓誣以陰事罪至死曾伯納官以贖猶除杓名  
劉借七寶寺館焉買妾置券盛陳金銀噐飲食妾  
父若牙僧夸示多藏奴薛榮刺知藏處夜懷刃入  
劉臥中殺劉擇取藏物逃去捕急臨安尹韓君矢  
侯曰三日不獲榮夷廟毀像榮卜往崇德利韓君



亦卜往崇德必見獲已而往崇德果獲榮榮自言  
是時常彷彿見邏人從而後以故不能去其自疑  
若有攝者然也胡長孺曰前此四十四年在虎林  
聞故老誦說趙忠惠公爲歸安尹會城中見口日  
食文思院米三千石民間又藉北關天宗水門米  
船入四千石乃爲平糴倉二十八廩於鹽橋北糴  
湖秀蘇常州米置確房春治精善歲六十萬石輒  
取賤價糴與民竟尹去十三年米價不翔民不食  
糲惡糶僧不雁刑今口籍除去乘來與故時無懸  
殊若牧守人效忠惠時規模民亦效孚順侯昆季

饑歲尚使勿知況平歲耶

旗纛廟洪武三年建于都督府後以祀軍牙六纛之  
神每歲驚蟄霜降祭之八年都指揮使徐司馬改  
建于普濟橋東詔停春祭歲霜降先一日本司以  
所製軍器遠城迎之鼓吹殷作謂之揚兵至日乃  
祭

憐忠祠在清河坊內以祀 皇明贈太傅于肅愍公

謙者正統十三年 英廟北狩謙以兵部尚書當

國有功竟以誣戮弘治初勅建憐忠祠于其故第

楊清祠在褚家塘以祀 皇明四川按察僉事王琦

南京刑部郎中項麒者琦字文璉錢唐人永樂間  
舉于鄉除汝州學正尋授監察御史陞山西按察  
僉事提督學校以母憂去起復四川整飭兵備非  
其好也乞歸歷官清白家無石儲衣敝以紙補隙  
嘗歲暮大雪僵臥數日人有隣而餽食者致恭則  
受稍怠卽辭卻之曰吾不忍啖嗟來也郡守胡濬  
聞而餽之百金不受乃述其清行聞于朝以上命  
賜之璫復辭曰祿以養十養民也無功而食  
將無愧乎上流莫不嘆服竟以饑寒發病卒  
麒字之麟麟人景泰間以貢以南京吏部司

務遷工部營繕司員外郎成化初以母病乞改南  
京授刑部福建司員外郎陞江西司郎中以病告  
歸雅操尚潔不入公府嘗不給于獲餐而吟詩鼓  
琴安如也巡臺藩臬若郡縣之長欣說以標而麒  
終不肯屈節往見正德二年平湖令甯某被逮于  
臬司憲長邵公諭之曰何不學項正郎清白正人  
在邇而不往親炙自忍黥染何也甯頓首出齎百  
金入贄于麒厲聲曰君事果枉法司自能直之  
苟不枉則受罪乃其所也旣剝民以自贖復以贖  
已者贖人是誠何心哉甯赧汗而退明日麒無疾

而卒年八十有二。三德十六年，御史唐鳳儀廉二公清節，以其與福僕射同里也，表其閭曰忠清里。嘉靖十一年，錢唐令王欽立二公神位于褚祠，併祀之。二十三年，提學副使孔天胤郡守陳一貫以凝真道院奉二公，題曰揚清祠。

三太傅祠在薦橋東舊十方寺基也。當熙春橋西元僧也里，可溫建。久廢。嘉靖二十一年，吏部侍郎謝丕建祠以奉。晉贈太傅謝安、宋贈太傅謝深甫。

皇明贈太傅謝遷者，安字安石，金陵人。年四歲，桓彝見而嘆曰：風神秀徹，當不減王東海。及總角，神

識沉敏，風宇條暢，善行書。王導深器之，寓居會稽，與王羲之及高陽許詢、桑門支遁游處。出則漁弋，山水入則言詠，屬文無用世意。屢詔不起。有司劾請禁錮，終身安遂。往臨安山中，坐石室，臨瀟谷，悠然嘆曰：此與伯夷何遠！安雖放情丘壑，然每游賞必以妓女從。旣累辟不就，而安妻者劉惔妹也。見家門富貴而安獨靜退，乃謂曰：丈夫不當如此也。安掩鼻曰：恐不免耳。年四十餘始有仕進志。征西大將軍桓溫請爲司馬，將發新亭，朝士咸送中丞高崧戲之曰：卿累違朝旨，高臥東山，諸人每相與

言安石不肯出將如蒼生何蒼生今亦將如卿何  
安其有愧色頃之拜侍中遷吏部尚書桓溫卒進  
步中書令尋拜衛將軍開府儀同三司時符堅率  
衆號百萬次于淮淝京師震恐兄子玄入問計安  
夷然無懼色答曰已別有旨既而寥然玄不敢復  
言乃令張玄重請安遂命駕出山墅親朋畢集方  
與玄圍棋賭別墅安常棋劣于玄是日玄懼便爲  
敵手而又不勝安顧謂其甥羊曇曰以墅乞汝安  
遂游涉至夜乃還指授將帥各當其任玄等旣破  
堅有驛書至安方對客圍棋看書旣竟便攝放牀

上了無喜色圍棋如故客問之徐答云小兒輩遂  
已破賊旣罷還內過戶限心喜甚不覺屐齒之折  
其矯情鎮物如此薨贈太傅謚曰文靖○深甫字  
子肅台州臨海人少穎悟刻志爲學舉進士調岷  
縣尉越帥方滋錢端禮皆薦深甫有廊廟才調崑  
山丞爲浙漕考官一時士望皆在選中司業鄭伯  
熊曰文士在不乏求具眼如深甫者實鮮深甫曰  
文章有氣骨如泰山喬嶽可望而知以是得之知  
青田縣御史葛邲等薦之孝宗召見奏對雍容除  
籍田令紹熙改元權給事中會韓侂胄破格轉刺

史深甫封還內降云佞胄驀越五官而轉遥郡僥倖一啓攀援踵至請罷其命二年知臨安府光宗面諭曰京尹寬則廢法猛則厲民獨卿爲政得寬猛之中每禁庭燕私左右有希恩澤者上必曰恐謝給事有不可耳寧宗朝累拜右丞相尋以少傅致仕薨以孫女爲理宗后追封信王謚惠正○遷字于喬餘姚人成化十二年舉進士第一累官修撰諭德學士進大學士 敬皇帝晏駕與大學士劉健李東陽同受 顧命輔毅皇帝卽位正德初議政不合致仕歸嘉靖初召進少傅兼太子太傅尋薨贈太傅謚文正

褒忠祠在錢塘學宮之東舊爲清軍公館萬曆二年侍御萬安蕭公廩改祀 國朝革除死事諸臣脩撰王叔英博士方孝孺副使程本立都御史陳性善太常少卿盧元質左拾遺戴德彝都給事龔泰戶部侍郎卓敬盧迥谷府長史劉璟蕭縣知縣鄭恕東平州吏目鄭華監察御史鄭公智陝西僉事林嘉猷檄有司以時致祭云大學士呂本爲之記